

平定州志

藝文 中二

第三十册

(24588)

平定州志卷十三

五言古體

首夏遊冠山遠望

明郭絃



藝文巾

行窮白雲隴步入青松林飛泉落清晝好鳥喧
音山僧頗愛客淪茗淡冲襟懷哉幽蘭芬涼矣
華簪當年介軒子出處知何心徘徊楊州鶴悵
西山岑古人不可問石磴藤蘿深

石樓待月

郭絃

須臾我待月月來亦須臾月照此今古圓缺何不



地方出版

09131

渝中有蝦蟇精吐氣成寶珠我欲往殺之飽食觀
靈樞歸來一長笑清光遍九區

贈楊遠林高逸

李愈

崑山有嘉樹鬱鬱成遠林久殄造化精不受冰雪
侵鳥喧元鶴巢蒼茫幽且深達人頗好道勝事每
自尋盤桓林下石月明橫素琴醉噉林中泉長嘯
復短吟茲人已古稀與來時登臨不用杖藜扶筋
力猶足任問之何爲者無爲只此心我亦有雅懷
將投滄海簪

贈胡愛山

李愈

雅性酷愛山傍山結茅屋樵牧共往還豕鹿相征
逐不記歲時遷惟知寒暑速明月照疎林清泉響
空谷森邃靜我心幽豁遠我目法侶夜來訪談元
秉松燭開尊列苔石床頭酒正熟悠然羲皇人豈
復拘榮辱茲趣不可言無求意自足

東溝

白孕彩

夾澗三百家遠望如空谷陶復復陶穴稽籬代版
築出沒妙不測烏止於誰屋逞者避盜賊又曰聚

屬族過澗背鐵山美利倍種穀公劉昔好貨取銀
非今獨貨殖傳程卓末富亦可逐

爲東溝妹作

白孕彩

女嬃之嬋娟載呼我爲兄秋深雞正肥薦以折脚
鑑用瓠酌大斗淹留親戚情尚書郎不願兄何事

遠征

居寔有妹嫁
東溝魏氏

白城雜詩三首

白孕彩

溪魚方出遊魚梁截上流二寸至盈尺須臾數百
頭漁子擇雙鯉殷勤餉我羞違彼重來意歸與阿

華謀阿華不如葦提攜放清流

淵明曾乞食初願欲何之縱不至嘍蹠已覺拙言
辭落英亦可食刻意效貧兒王謝談門第誰堪賤
辱爲

無食不眾聚無兵不自決壯士手搏人不如持寸
鐵激發生忠義山澤有豪傑漢高雖天授還資一
彭越李密不肯唐功業未可沒齊賢策太原士雅
欲北伐長揖綠林子款語南唐卒王霸有捷徑此
輩宜深卹

六賢堂

室即湧雲樓舊址

國朝

陳廷敬

下馬平潭驛訪古六賢堂
淦陽政寬簡湧雲思燁

煌趙尚書秉文周文獻總文柄楊趙齊輩行
臣有湧雲樓記
楊文獻雲

翼左司富才藻晚節猶芬芳
元左司好問
樂城老封龍

封龍書院
李正文
四賢既卓犖堪此一瓣香

後益以王呂王司業構呂忠肅思誠
名蹟能禁當山川景英

哲祠宇成蒼涼士節古所重
此道今彫傷荒城鬱

茂草倚徙悲殘陽

發井陘次故關作

國朝

王士祿

凌晨發山郭渡溪指山隧
稍稍歷原隰忽忽入幽

邃天陰嵐氣重草樹彌翳蒼
石路足蜿蜒懸崖遞

虧蔽山橫望若絕崖轉徑仍
遂略無十步直大抵

兩壁對行行近關側石巖尤
奇怪撐者或如拒掠

者或如墜龐疑蠻象伏怒儼
虓虎巽千折勢不窮

各各殊狀類睥睨界其上高
與青冥會謂此信天

險飛鳥詎得越他時戎馬蹴
何無一九閉俯仰意

慷慨指顧傷扼塞安得凌絕
頂一覽八荒外

宿平定州雨竟夜聞七十一
一河水大至

水卽州西
之桃江也

國朝
趙執信

倦行得投憇如鳥有棲託下馬衣盡霑入門步猶
却屋角張明燈晚炊具藜藿取足供醉眠濁醪恣
深酌窈窕青玉峽迢迢夢中約如何就枕憂反遜
據鞍樂入夜殷雷喧雨聲亂城柝洗瀾散簷溜浸
淫到帷褻頗聞向曉行驛路緣澗壑石齒旣叢生
潦水正噴薄四山懸瀑集勢若崩崖落直恐穿山
脅安能容略約已知前路難更聽雨勢惡殘更遠
欲斷冷焰濕不著轉畏天欲明孤吟向索莫

涉七十二河

趙執信

犯曉指前途天清雨氣散迴瞻孤城際遙出大河
岸山勢鬱屯雲水聲激流電波盪巨石奔灘坼地
軸轉居人能鄉導小駟頗趨悍揚鞭亂流去直與
驚湍戰圓浪欲沒鞍輕漚時及面浮沈遡眾川攀
緣望絕棧豈惜衣履濡甯辭登涉倦斜陽向晚放
驛舍炊煙亂有如異國歸遙天見鄉閭馬饑僕亦
痛水盡山未斷候吏不須迎前驅已如箭

井陘關

邵岷

并門下太行山勢奔修蛇絕徑綻井底隘道客單
車壁色凝古鐵硤形遶旋蝸雲端列百雉谷口開
雙閣關北兩門並峙二戍火動蒼莽人煙聚峪呀
巖巒自合沓燕趙徒紛拏勇氣矜鬪鼠殺聲喧怒
蛙重關昔爭距六合今一家獵獵風中旆悠悠樓
上笳成敗雖冥數尚德庶無差

嘉山五松

王祖庚

何山無古木獨紀嘉山松勁姿挺雲表鬱鬱如虬
龍蒼翠映巖谷風濤聲淙淙揖此五大夫母乃膺
秦封瞻眺快心目偃蹇羞塵容何時枝東向得叩

雲門宗

獅子山歌

李培植

層巒獅子聳騰擲殊形狀深水潄其脚三汲桃花

浪桃江北流經山之背之而蔚眾木頭顛儼俯仰危磴躡百

盤開鑿何年初置身出雲表近巔神自王林深草
沒膝陟險尋幽曠歸途坐巖阿石獸互頡頏早歲
歷兵戈疊石倚屏障甘泉注石坎盈科列盆盎挹
之不可竭留供遊人餉碕畦枕澗麓禾黍因風

樵夫指荒邱云是將軍壙年深姓字埋此語恐無
當破寺昔棲禪龍象具法藏搏兎力用全斯理誰
提唱

經平定州青石峽

楊應琚

阿誰將美玉屈曲琢如屏行旅出其間鬚眉松毛
青犖确多險阻東走接井陘焉得元結手來勒涪
溪銘深壑豈無此徒足供山靈置茲必有意安可
無遊亭玉峽開口笑君言不可聽此間堪駐馬亂
鑿如春星肉食者多鄙擾攘安得甯君旣難負去
甘心長冥冥我聞此數語當夢見初聞長笑策杖
去留此真山形

對平定試院老槐有懷鄉先達任無慾先生

董元度

書院假館學使行臺故太原同守公署也
國初吾邑任公有剛佐郡於此後堂古
樹大盈數抱應是百
年前物感而有作

吾鄉老畫師潑墨撥奇絕佐郡駐榆關退食曾斯
室想像百年前老槐仍故物婆娑卓圓影人世良
多閱鴻爪不可留聲華久消歇大樹感馮異古柏

懷諸葛虬髯繆紛披恍見通神筆雲中騎碧驄清
風疑髮鬚先生書多贗作其真跡則倘許夢時來
南柯謁先哲

朝暉閣

陶易

政簡有餘暇散步東城東朝暉疑層宇佳哉鬱葱
葱攀陟攬形勝儉俗緬唐風東臯足甘雨紫甸揚
芳叢天門西去近指點烟嵐中

寄疏真董一兄

陶易

艾城三契友誰歟王李董李旣攀丹桂王已歿荒

塚惟餘董夫子猶自臯比擁鑿壁事詩書談經說
周孔昔我牧桃江君名高壁珙每值松庭開詩酒
相答贈謬膺當途薦超擢被

恩寵跡迹寄京華音信多殫壅今喜遇鴻便謹修尺素
奉叮嚀復叮嚀科名世所重一經苦鑽研雙鬪期
振奮學海掣長鯨文戰買餘勇詎因卞和泣一別
遂成踊雲霄振羽翰不鼓風自動况值

右交代

天子方垂拱二策紹淵源江東讀書種在昔心儀久旣

別神益聳卷頁饋聯芳展玩終日捧摘藻如貫珠
說理脫底桶深入極精悍顯出汰繁冗舊德食先
人家聲須接踵但看波濤翻鱗甲驚潛菴

過井陘關漢淮陰侯下趙駐兵處

吳安祖

井陘關屢屢設險古來尚側徑路透迤怪石紛殊
狀舍車徒步難拄乏九節杖初行地道中倏忽如
天上俯視眾山卑連峯走奔浪入關少憩息目眩
神逾王野花被荒岡遠聽樵人唱深林暑氣消新

澗水新漲緬懷古哲人儒冠坐戎帳背水策奇勳
拔幟蹶上將可憐曠世才功高竟遭謗遺踪亙千
古過者心惻愴嗟彼項王祠君臣猶相嚮山高而
水清臨風一惆悵

七言古體

重午遊冠山寺

金趙秉文

南風搖百草吹我遊山樊
青山映華髮似我頭上
冠長松五月窗戶闕終古不散蒼雲寒
步出喬木杪俯視林下鞍飛亭枕爽塏更覺天宇寬
憑高送遠開心顏白雲青嶂非人間
深林冥冥白日莫飛鳥依依長空間
夕陽萬里開野色晉趙形勢空河山
時清老守容癡頑臨風把酒遺巾綸
明朝却望題詩處城樓惟見煙中竿

遊承天懸泉

見山水澤發水

金元好問

水簾記異

元好問

黃花絕境探未窮道人曾約山樓紅鏡臺懸流不
 易得世俗名取香爐峰七年長路今一到刺鯁欲
 滿平生胸豈知旱久泉脈絕快意一濯無由供神
 明白足還舊觀漫浪爭敢邀靈通何因狡獪出變
 化勝槩轉盼增清雄天孫機絲拂夜月佛境蛛網
 搖秋風稱奇叫絕喜欲舞恨不日繞青芙蓉銀橋
 清涼嶺玉鏡崧坵東世外果無物邂逅乃一逢書
 生眼孔塞易破勺水已復誇神功東坡撫掌應大
 笑不見蟄窟變魚龍

乙亥十月往平定早發土門宿故關書所見

劉因

風煙全趙如平掌失脚山城夢猶想土門一縷漢
 時天萬古行人為誰仰指示勅敵談笑中為狀羸
 僕忽寒強當年鼓角如可聞急著清吟和林響遠
 山宛欲來相迎近山留人屹相嚮或從井底忽登
 天倚伏已能先想像平生愛山真惡識今日果為

山所罔昨朝爽翠擁修眉最恨高樓負清賞壯懷
鬱鬱悶欲絕安得凌風恣吾往天教石頂放一頭
駛若驍驪脫羈鞅山靈努力出奇供只恐先生駕
虛枉萬壑霜松動悲嘯極目雲煙埋缺北門形
勢護中原辨與姦雄增技癢太行橫絕半九州留
在平原幾塵埃何人爲我起六丁嵯峨盡 天宇
朗千年再挽神禹功恍若鴻流開四象

洞雲歌

呂思誠

爲壽聖寺洞雲長老作 洞雲長老全上人
本王莊武氏時至正十一年八月吉日偕行

者平定學正陳好謙耿照磨承祖儒士王正
里人周裕祖周德愚勇安上小河李思忠刊

洞雲洞雲雲何深洞雲出洞雲無心洞深斂雲入
洞去踏破虛空不可尋不可尋那可測桃江開雨
天光發山頭放起白月來慧日邊前翻五色翻五
色相開明肘後淨瓶楊柳生却是玉舍城外行雪
山雪落纔見晴纔見晴還又起洞口栢蔭慈雲裏
火中救濕蓮花青華嚴經藏滿池水滿池水雲歸
來蒲團靜坐絕塵埃清風一塵自談笑長鎖洞門
不肯開不肯開時正睡幽潛未許分內外却不是

雲又入洞聚散凝合猶四大猶四大涅槃山洞雲
擾擾誰能安洞雲常老無憂樹南北東西自在閑
自在閑緣與覺靈鷲撫養有依托萬松分得曹洞
雲付祝往來不要錯不要錯有無蹤萬松林泉西
庵宗攝衣欲往須能從洞雲好作僧中龍

高嶺歌 見山川

喬宇

首夏冠山遠望

郭紘

玉龍蟠曲縈山脊蜿蜒踏龍上空碧何年鬼鑿開
神奇高青直插蒼冥裂松聲十里谿壑清四月彷彿

寒蟬鳴剪霞噴霧紅錦濕倚榴花礎晴空明冷
光竦射徹毛髓杖藜着屐者誰子攀緣一嘯碧雲
秋舉頭便足千里遊自憐好道心不歇金丹未就
猶凡骨華髮蕭騷事業非時時夢到蓬萊闕往年
雲裏丹邱曹霞帔翩翩清羽毛綵虹如何掣我去
因之一置三山高

嘉山歌 見山川

蕭啟

擬古養蠶行

喬宇

三姑祭罷開蠶紙掃落穰穰滿簾是一眠食葉猶

星星二眼漸多供不停
采間采采多婦女葉喜晴
乾惡陰雨三旬上簇蘭
始成家家簷外縲車鳴
長絲短絲上機織貨絹
城中聊度日縱逢餘羨
敢爲衣復恐催糧官限
違我生慣欲訪民瘼也
向山村安數箔叮嚀臧
獲早暮觀庶使生業知
艱難富家養蠶猶可說
若說貧家更愁絕嗚呼
安得誅求常簡歲常豐
足衣足食天下同

打麥詞

李念

農家求飽常受飢日長無食暑雨時
八月芟禾亟種麥乳下孫多親頭白
每日燒香望春雨全指今年着短袴
風熱皮破收上場趁晴打曬舉家忙
亟呼丁男掃草屋城中有人來此宿
官家開倉富家僕沿邨買雞還借穀
甯且不衣與不食回頭語妻莫要哭

養蠶詞

憶昔紅閨少年日阿母當窗教女織
嫁夫肯怨姑家貧採桑採苕兼採薪
清晨起來不梳頭雨落鳩鳴桑葉稠
呼伴採桑喜滿筐二眠蠶老食正忙
每

日灑掃蠶下坐夜深還向蠶邊卧蠶老麥熟簷風
清東鄰西鄰縑車鳴連年饑饉苦支持蠶未出時
已賣絲婦人豈不愛着衣手巧家貧不上機却愁
姑老衣着薄還向鄰家代供作日晚夫婿城中迴
雖食藜藿心亦樂

野菜譜有所謂看麥娘者草之屬也隨麥生隴
上故名詩云看來麥娘來何早麥未登人未飽何
當與爾還厥家共啖糟糠暫相保讀之有感夫
室家不保時事可知迺催科而急征戍明之失
國政繇於此松谿大守二詞愴目時艱憂心國
是風調不減唐元白藹然仁人之言其利溥矣

榆關懷古

黃克纘

榆關之前勢偪窄小徑盤空僅盈尺車難方軌騎
難列一夫當關可坐扼成安義兵二十萬眼底全
趙如盤石深溝高壘計若施二將之頭旬日獲堪
嘆儒生恥詐謀避敵弗擊恐非策三萬奇兵不暫
假二千旗幟變成赤信乎是豈爾之能左軍有計
空爲畫乘機遣會易反掌須臾破趙三十柵神龍
幾乎困漁且敗將會奪上將魄千金生購解其縛
坐之東向爲上客推燕拉齊數語間漢家元勳今
猶赫

故關

張昌

混沌初分二儀析屹然頑形目凝脈巍巍巨鎮峙
西北遠與羌戎作喉隘重崖疊嶂宵復冥下視羣
山等卷石橫延廣歷幾千里尋幽詎可窮其迹諸
峰出沒千萬態怪石嶄然亂瓊碧前山之峰高出
雲中峰摩天只一尺鳴泉澹澹噴怒雷六月飛霜
洒寒白木怪石魅擅威靈去鳥來禽勞六翮烟屯
霧翳封其巔草木萋萋密如柵崇高既盡西城尊
峨嵋不敢齊其額河東遊士何壯哉袖拂嵐光履

危脊盤盤石磴磴連天二月陰風雪狼籍下有空
溟千仞溪對此茫然沮魂魄往年見話蜀道難始
信危途大艱劇僕夫號呼膽爲寒猛虎耽耽縱毒
離予身既免顛墮間况爾馳驅遠行客何須役役
競錐刀遺體親肢亦堪惜噫嘻行客歸去來山石
巉巖利如戟故園松菊荒蕪久歸去徜徉樂安宅

井陘關歌 卽舊關

王士正

迴星城邊落日黃西來氣欲無太行柏巖雙壁稍
狡獪日成已覺心清涼天公一夜送寒雨千疊萬

疊雲錦張丹崖翠壁竅萬狀瑰奇娟妙難具詳綠
蘿蕭蕭罽巾角石瀨颯颯漸衣裳峰迴徑絕不知
數谿訝倏見開中央戍樓旌竿滿雲直橫亘長城
環巨防冠山子城瞰窮漠噴壑巨瀑聞雷硠登樓
顧盼豁胸臆四山雲氣爭飛揚蛟龍鬱律起眼底
散爲霖雨周八荒關南石勢更奇怪亦如窳奧連
堂皇懸車束馬那可度行人緣棧如秋秧幽并澤
潞此天險飛鳥欲過愁翱翔聖代卽今罷烽燧空
餘畫角吹嚴霜乃知地利未足恃此關幾闕諸侯

王

豆葉吟

李元正

山田種豆懼苗稀田家辛苦怨調餞輸租糠粃剩
瓦缶蓄菜備嘗藿與薇新穀未登場團團白露漚
先期豆傷莢後期葉隕黃塵懷屬少婦草草理晨
妝相攜或三五一一執筠筐盈檐非染藍越陌且
褰裳行行拾綠野將取織指長平疇聞笑語籬落
話農桑夫媿樵唱山如沃煮菜連宵薪代燭中婦
磨刀切葉細溪頭擔浴漉簷際抱甕聊度日嘗羹

謀歲卒時和歌

帝力俗樸艱民食幸值長官津與我民休息登盤咬得
菜根肥歡溢香閨回菜色

附午亭相國豆葉詩

我家谿谷間隘陘祖山多細岑驅羸牛如蟻綠
嵯峨高秋八九月豆葉紛交柯婦子散邱野採擷窮
煙蘿盛之維筐筥湘之匪鹹醃菹之老瓦盆濯之
清清河潔比金薤露美如瓊山禾條枚感時節調
飢發吟哦

晚崧早韭山中佳味然應時而供田家豈能遍給
惟茲豆葉菹之瓦盆歷時可久鋤禾當午農夫把
就風簷覺嘗羹味逾沆瀣在他省視之真臭味差
池矣蓋太行一帶千里同俗物關民命詩告採風

城隈館看菊為李景潛作

劉元龍

黃花不逐秋陰暗接時闌庭掃枯淡却教人反淡
於花款門就竹同幽探他細切雲母屏開五色堆

冰紋簾捲百錦燦零星小部復精好時雜罇罍羅
几案主人指點城隈館艷彩分行移步換位置良
因天趣得柳邱韓圃殊光煥匆匆僕馬候門左此
時與花初覲面邂逅逢花又別花花意人情兩留

平定州志
戀袖拂征鷗數雁行霜崖有葉紅如茜恨不移花
到山頂管領烟霞飽風霰奚囊索句十遺五急呼
酒家丐筆硯譜得貞芳素所怡二百二十種難徧
猶記家園藝菊時瘦妍疎密常相問冒雨重陽無
數新草堂列坐開清讌年來田衣逐飄梗苦憶牆
根孤石畔荒荒三徑長蒿藜叢殘廢園啼蛩亂漫
憑誰尋壁上題闌珊往事如雲散一牕秋夢易消
磨十載流光難把玩我方瘞筆淹歲時君且分箋
評月旦人眼東籬遇故人柴桑不負歸來看惆悵
高齋未盡歡一詞遙向枝頭讀何日再訪倉曹宅
傾倒冰壺飲無算座間若見朱孺子好與乘雲上
天半

平定州山巘

高珩

桃源不必武陵溪水遠山深饒異境太行中斷井
徑開青天陡落芙蓉影支笻歷井乍穿雲千尋碧
壑披峰頂數間茅屋掛銀河松桂香中讀內景

謁嘉山黑水神廟

王祖庚

嘉山翠嶽西南隅源水閱邃神龍趨祠宇巋然爲

誰立年湮世遠言人殊或言申生出亡止於此或
又云靖公之臣忠且死精英不滅化爲神赫赫聲
靈號黑水相沿稗乘辨莫真見聞失証非無因我
來瞻禮脩春祀肅薦溪毛當上辛手磨殘漏蘚痕
古獨標神貺零膏雨堪唾傳會始何人好事傳疑
驚僖父何必恭太子何必晉忠臣但能出雲降雨
潤黔首便當血食稱明神神之來兮見復隱予言
匪妄神無嘖

試院古槐歌

吳 巖

受州試院冠山巔後堂砌外廂東偏扶疎古槐數
合抱盤鬱結曲枝虬拳老幹粗皮半剝落嫩芽吐
葉長新鮮根深擁腫透土凸撐枝聳秀摩雲穿樵
夫牧豎不能到以長以養全其天寒暑陰晴有殊
態春風秋月倍爭研有時三五蟾魄淨青葱碎影
鋪堦前有時濃蔭迎卓午竹鑪水沸罨茶烟有時
黃梅夜雨急枝了跳濺珍珠泉雪深殘臘冰箸懸
風清院靜雲迴旋意致變幻不可數但覺陰森四
壁皆蒼然吾見辟雍植此樹六堂燈火連如屢茲

依鎖院得其地文光繞樹冲星躔棟梁之材近可
取何必山谷深沿緣惜誰手植無可考令我波婆
其下空遷延樹人樹木總一理咏歌應共甘棠傳

大風謠

劉元龍

飛颺忽與雲爲雙魚鱗草莽無停留老龍欲展吸
水氣巨虎怒嘯聲颺颺石燕不翔六鵠退爰居避
險辭海陬浮埃障天晝昏翳白日慘淡黃霾愁爲
霖澤物忌造化不爾罪兮其誰郵農夫懸耒歎空
室敗欄三月間耕牛大無麥兮古所記况復不播
安有秋去年七月慘縱虐田禾披靡無半收因此
梁粟值騰貴炊珠食玉貧民憂今復揚沙發屋逞
狂悖母乃嗜殺干天尤安得排雲纒

上帝兩師灑道飛廉因如膏春雨遍渠滿甲拆青綠盈

西疇

擬古二十韻爲雲巖劉先生作魏 肇

有序

借補劉元龍小傳見人物文苑門
劉元龍字雲巖號遇佳詩序意謂元

龍負奇抱異晚景淪落比年不以後輩相
視而以朋儕相待爲賦長歌以寄懷

雲巖明府學淵冲性僻自號塗管公夙擅棟梁

八斗凌雲健筆摩霄穹青年早屬賢書薦
意鳴長風落墨偶題蕭寺壁山僧巧製碧紗籠
名令譽滿江海石潭落句起蛟龍把臂高歌振林
壑仰天長嘯數歸鴻英姿萬丈儕李杜三百年中
誰與同仙才鬼才姑勿辯繡虎雕龍句自工薄宦
年來清徹骨仕途誰信泣途窮行李琴鶴隨書劍
一肩風月奚囊中文章自是憎命達壯懷激烈老
沉雄花甲已過從頭數鶴髮未減朱顏紅天地遽
廬太虛幕浮沈濁世任西東吁嗟庸夫與俗眼皮
相那解刮盲矇造物低昂安放步黃鐘毀裂悲焦
桐惟公匪擊亦匪曠世味備嘗艾兼葱少陵漂泊
布衣老聖俞窮愁著書終百里爲郎應列宿鳴珂
曾憶德星通問君可是天墮子明堂未遂勒豐功
安得排雲叩

帝闕何時

恩詔起疲癯

五言律詩

過故關

宋韓琦

春日并州路羣芳夾故關前驕驅弩過別境荷戈
還古戍遺殘堞新耕入亂山時平民自適白首樂
農閒

栢井路山桃盛開

漫嶺天桃樹無人亦自開雲霞深隱洞錦繡遠成
堆生意驚樵斧芳情謝宴杯莫迷行客路不似武
陵回

黑砂嶺路

原注平定軍西

詰曲榆關道終朝險復平後旌緣磴下前騎半坡
行舉目自山水勞生徒利名報君殊未效何日及
歸耕

過測石驛

二月春光薄川寒驛路長虎蹲難動石龍矯已刳
桑嶺狹居多險耕勤地少荒山農駭車騎兒女滿
莊墻

出山口

待曉出山口溟濛雨乍晴始知經盡險終得坦然
平草樹開春意川原豁眼明吏民當自信竹馬不
須迎

右五詩據韓魏公安陽集補入

出榆關

宋劉著

羽檄中原滿萍流四海閒少年過桂嶺壯歲出榆
關奇禍心如折羈愁鬢已斑楚纍千萬億知有幾
人還

鵲山

金周昂

西征披短服北望慘衰顏再宿殊雞舍相看獨鵲

山旆沾新雨過鳥逐暮雲還白首瞻星漢何時鼓
角閒

湧雲樓

金趙秉文

公退常臨此觀風問俗間山川樓外布井邑掌中
看曲水清流急巔峰翠遶環休言江上景未必勝
榆關

湧雲樓雨

趙秉文

滿地江湖夢連陰晦朔秋雨中山似醉風外浪如
愁眼病憎黃卷心安任白頭明年一官滿誰復話

登樓

陽泉西谷

元好問

方外復方外翛然心跡清開窗納山影推枕得溪
聲山路遠誰到石田平可耕霜林不嫌客留看錦
嶂巖

西郊道中次郭伯瞻韻

明喬宇

百里赴佳約溪行日漸曛榆枌踈下葉峰嶼靜流
雲老愛求仙隱閒知脫世紛北山吾與共未許作
移文

遊李公池亭五首

明 蹇 達

薄宦元藏拙浮生且應牛乾坤真逆旅身世總虛舟
客裏饒鄉思公餘足勝遊招邀勞李白詎惜到林邱

江漢垂綸處登臨迹太奇雲山邀對酒花鳥趁裁詩
地似襄州勝泉疑習氏池情知慙叔子逸興頗相期

已坐風塵擾還耽野趣幽林深驅溽暑崖遠豁清眸
檻逐風潭動魚依密藻遊芳園堪避俗車馬漫淹留

泉傍層巖挂光輝落照微徑斜侵夏木藤曲引征衣
末路誰同調滄洲好息機相將况詞客爲樂未言歸

日暮仍移席空亭興轉長餘香分菡萏爽氣動滄浪
葺益陶潛醉翻驚阮籍狂歸來天欲暝列炬已前岡

平潭驛

明 李春芳

名州依峻嶺古驛接平潭境土人能辨雲林鳥自

諸幾迤歷澗道數欲解征驂野寺逢僧處山泉煮茗甘

故關

燕趙倦遊客凌關返故鄉崎嶇回石徑高下度山岡林壑四時雨村墟十月霜野人多識面錯愕頷鬚長

綿水

棉水圍山郭臨流可濯纓野橋隨客渡沙鳥向人鳴風送濤聲急山連雲影清漁樵成小隱簪組媿

浮名

栢井驛

凌嵐躡古驛小憇拂征衣客路深深見村鴉欵欵飛層軒依石磴絕岸隱荆扉舊俗勤農業山田處處肥

秋月登石樓山

李瀚

倚醉尋殘壁拂雲認舊題林扉秋色早山崦夕陽低白髮雙吟屐清風一杖藜興來還履險疑是躡丹梯

故關

明 喬宇

仄徑依村轉高林隔隴疎溪風爽毛髮山翠濕襟
裾邊餽春輸盡田租歲歉餘民風兼旅况一一爲
渠書

與故關張將軍話舊有感

明 王世貞

太息時才老殷憂戰地深毋談舊開府吾聽忽沾
襟賣劍中年事傷弓此日心唯應解嚴後歸釣五
湖陰

秋日登冠山絕頂

明 郝元溟

屨出千峰外身隨一鳥輕上方花散亂下界磬分
明隔澗聲樵語平川見客行更邀王子晉天際看
滄溟

秋夜宿石門寺

郝元溟

野寺縈懷久秋行得暫停土床宜石枕茅屋借山
屏月冷霜初落門閒夜不扃挑燈共僧語相對兩
忘形

娘子關鐵佛寺壁

宋登春

蕭寺枕幽谷白雲斷埃塵鉢潤龍生雨花香鳥弄

春蓮經談海月蘆浪渡江津得意歸來晚曹溪路
更真

寓平定官舍

梁 昱

風雨連朝夕孤吟嘆索居堵前苔蘚合門下故人
疎坐久慵欹枕愁濃懶看書宦遊當此際歸思欲
何如

風雨連朝夕虛齋寄一身落花空積恨嗚鳥獨傷
神親老多愁病官清不厭貧家山渺何許望斷淚
霑巾

瀑布泉飲同

葛王二子
月下醉賦

朱 繪

出郭緣吾季分泉酌野人高情王逸少避世葛天
民苦思吟山木開甍到水濱二陽和氣動池草已
先春

何處好林邱山陰夜雪舟遠天恣杖履清興落沙
鷗雁語窺雲盡溪聲帶月留滄浪容濯足白首更
何求

馬識山公意梅偏習氏池雲烟流斷渚冰雪上連
枝寒日依山疾孤樽入手遲醉來青白眼笑殺步

兵燹

董卓壘

謝榛

石艾郭東路行行薄暮天
農桑晉甸服文軌漢山
川澗水風猶咽林花火似然
空餘董卓壘不使後
人憐

綿山懷古

綿水憶介子歿後幾千春
獨有英明主終憐患難
臣斷霞餘古燒悲鳥自荒榛
歲歲逢寒食其如惆
悵人

西郊口

高叔嗣

敢言觸熱倦悅此午陰長
蘭氣清林薄蒲風散野
塘高陵堪下馬怪石欲成羊
可念征途侶題詩滿
鼻堂

東郊雨中

閒居甘絕跡疎雨對芳原
念欲開清眼誰還對綠
尊林烟旁舍午野色遠村昏
自笑平生意無人空
閉門

由關子嶺發兵入綿上

儒生曾事主羽檄且徵軍敢斷一朝畫而邀百戰
黜深山連古木落日斷黃雲愁思荒村夕誅求不
忍聞

奎星樓

袁士達

石艾營飛閣羣峰俯四圍關分三晉險地接五雲
微暮色攢民舍秋光滿客衣征途留勝賞司馬古
來稀

湧泉亭

魏綸

名泉久蕪沒登眺覺荒涼旋引山川脈平分日月
光餘波常澤物曲水舊傳觴風致輸前輩令人思
不忘

獅子山

白孕彩

山情喜我到坐我小松林登閣高天近穿雲半路
深果然出峽水靜客閉關心獅子誰騎去寂寥龍
象音

聖壽寺

香臺山下寺門外靜清潭萬朵芙蓉照千層琉璃
連碑鏤宏治字佛造大唐年老柏參禪禮肅僧不

許傳

峪園

傅山

城關開西峪爲園五十年兵戈曾未到花竹自相
憐徑曲生苔古池寬受月圓養痾移卧此風雅憶
前賢

蒲臺祠下

山半氣蕭穆榛逕通荒宮忽曠一丈石礪祠孤章
松石莫測子雨松奇爲雄風雲根對霜幹一我愁
龍鍾

禪巖

無情難頓至幽意一亭分綠霧上輕雨黑巒頽重
雲秋心健孤往水勇轟三軍雄劍恥未舉碧霄知
有文

七互老杏

崖邊紅瑟瑟老杏嬾於開悔不斧斤斷倘隨時令
催眾憐春色冷吾敬傲枝才對酒不成醉原非狂
藥媒

藥嶺寺

張琮

愛此幽棲處常年戶不關
鳥飛春色碧人伴白鷗
閑花發籬東雨雲連屋後山
老僧無個事鎮日只
參禪

將吏陽曲小憩平定之白堂
彭而述

彌望掠寒翠遊車一暫停
高臺飲樹小殘雪繪山
青久客年將暮夙醒人未醒
口占無一字只此輸
鴻冥

怪鴉鳴木末亂響感寒冰
黛色開三面佛基展數
層懸鈴風起閣靜院屋無僧
車馬勞勞夢一尊我

自登

曉發平定

國朝 王士禛

睥睨碧霄邊征輶發曉天
郭依連阜勢門瞰下城
烟穴土還成屋耕山盡作田
唐風勤且儉遺俗到
今然

再過故關

王士正

絕塞依天險雄關鎖地維
石橫千仞壁松偃萬年
枝盡日無飛鳥經春有老
罨槐花秋雨裏重憶舊
題詩

夏日湧泉亭

李錦書

長夏多閒日乘涼到湧泉一潭清徹底兩岸綠生
煙石磴隨行歇松陰任坐眠不知雲嶺外鷲地雨
連天

登禪巖山寺

峻嶒不可攀盤曲度前巒面石疑無徑崖迴更有
山苔痕新雨跡秋色老丹顏放眼千峰外天圍指
顧間

山驛

吳雯

欹側羣峰裏盤迴石瀨邊春雲連柏井芳草入芹
泉驛路沿溪曲龕松抱日圓可能青嶂底細讀玉
胎篇

明季寇亂他處屋舍皆被其厄而此園獨全
故以天留名元培先生招飲園中詩甫脫
藁適因便面索畫遂題於後陶蔚

延尉清風舊郊扉一徑幽淺山沙岸曲翳岫綠陰
稠簾幙娛閒畫臺池趁晚秋主人能醉客酒半說
天留

霽園年長兄招飲留園用少陵重過何氏山

林五首韻

勵宗萬

麥壠雲排浪長空鴈作書偶然乘謝履再去訪陶
廬到戶先看竹臨淵欲羨魚烟波君有志應自好
樓居

依水牀仍在探幽步每移柳眉舒碧玉花頰妬紅
兒泉引通靈液山唯借遠陂欲尋株子栢猶憶隔
重籬

仲蔚幽棲處原甯共往時溪山曾識客花竹似催
詩白鳥翻千嶂青蟲墮一絲繞闌頻悵望渾欲忘
還期

愛客張公子勾留興正長營邱開酒陣分社鬪茶
槍玉版參禪味孤芳薦雪梁庾園知足羨誰遣逐
栖皇

爲愛山深好全忘日似年同歸應有月欲去戀聽
泉馬踏新晴路人耕落照田武陵重過處回首兩
茫然

平定道中

黃洪毗

策馬壽陽郭舉帷戀物華暗泉流細石初日漾平
沙山斷雲飄帶林香菊綻花東來好風景客路興
常賒

出平定州

顧大中

忽爾危關豁羣然眾嶺低山連鴈門外地出井陘
西亂石淹人跡層冰怯馬蹶相逢故鄉客燈下手
重攜

固關

王祖庚

阨塞分燕晉雄關亦壯哉鳥從雲外度人自日邊

來新壘軍容盛嘉靖時建固關設官校防荒村

驛騎催關西為甘槐花秋雨路漁洋集有

滿路槐花
出固關句

榆關上已金趙開閑知州事時築亭城南名

亭左建嘉山廟流觴
曲水遂成故事矣

良辰逢上巳祓禊媿前賢古廟滌嘉水空亭紀湧

泉餘寒新柳怯遲日小桃妍辜負春如許相思益

惘然

題前明心烈朱公霞淑先生像後

氛惡薄邊城 加臣義獨明 不降旗莫轉之 死氣如

生 公於城頭 監一旗 勁節羞儕吏 時秦中郡縣危

言叱悍兵 衛兵騎橫霄 公 洽洽泉下水 留得弔忠

名 公殉於井 魁 名弔忠泉

末造衣冠喪 披靡寇日深 竭忠遵父命 報國勵臣

心 公父禰貽 以書曰 死為上 逃次之 從賊 智井身 則斷不可 公報曰 兒知所以 處此矣

何在遺圖頌 到今感懷思 昔變慨慷寄 哀音

春日偕友人童孫遊平定 諸 董元度

遠閣山如畫 登臨放眼初 靈旂晉公子 勝跡趙尚

書金玦遺容在 杯觴涸沼餘 那堪悲代謝 殘碣付

荒墟 流杯 池

隔絕征塵影 聊憑薜荔牆 松濤激清籟 花雨散幽

香殿古雲容 靜庭閒心境 涼劇談忘別 去徒倚欲

斜陽 雨花 臺

聯轡城闌路 鶯花道院偏 自憐三月客 初見一枝

鮮 碧桃 韶景拋如許 虛廊望渺然 平川接高嶺 芳

草欲粘天 文昌 宮

凌雲雙塔迥 殿剎歷千春 古額羞師相 蔡京書額 今削其名

新題保逸民寺聯皆傳山題色空蘭若地童冠舞雩人好

待天香發寺有牡丹數株重來莫厭頻天甯寺

海軒刺史招飲湧泉亭巳丑初夏吳巖

笏拄名山靜杯流曲水清林亭堪入畫觴咏有餘

情經術傳多士棠陰滿受城長淮風日美竹馬又

歡迎刺史新擢守淮陰

遊天甯寺
沈榮勳原名瀾

招提遶城曲有客破閒來碑碣慈光照浮圖霽色

開泉清分曉鉢刹古老空槐劇愛禪關靜留題雅

興催

五排

附五律

遊冶西訪霍雪峰

喬宇

西庄山水秀崛起石爲樓勝地人才出奇蹤造化
留一經傳世業羣從總儒脩俗美民無僞田豐歲
有秋峰巒晴色好村巷晚烟浮欲贈試袁扇先乘
訪戴舟酒尊傾北海卧榻下南州我效柴桑詠君
稱畫錦遊親情聯魯衛宦蹟著燕幽豈但金緋賜
循良願可酬

詩格整秀嚮往情深雪峰之道範堪欽
白巖之藻鑑非偶其詩其人允堪壽世

望冠山

蘇祐

見說冠山好，遙空隔幾重。
瀑泉晴拂寺，宿霧曉迷峰。
笙度縵山鶴，巖迴老氏龍。
三加存帝製，千里視侯封。
自岸風前帽，時修月下容。
苔生紗細皺，雲起髮微濃。
露冕憐霜雪，投簪謝鼎鐘。
打門人不見，漫倚雨三松。

七言律詩

登綿山上方

宋周昂

環合青峰插劍長，小平如掌寄禪房。
危闌半出雲霄上，秘景盡收天地藏。
野潤羣山驚破碎，雲底滄海認微茫。
九華籍甚因人顯，迥秀可憐天一方。

淮陰侯廟

金趙秉文

地險山危氣勢雄，將軍從此建奇功。
興劉業就人何在，破楚名存事已空。
故壘帶烟餘殺氣，荒祠向晚動悲風。
功名蓋世今如此，讀罷殘碑思不窮。

挽馮節副

元好問

一笛悠然此地聞，在山還憶大馮君。已看引水澆靈藥，更約築亭留野雲。前日褒衣吳縠腹，今年宿草卽荒墳。東鄰誰舉游巖例，秋菊寒泉尚可分。此山先生挽馮大來節副詩也。真跡舊藏故侯聶帥家。雙鈎一本付節副，二孫敬敏俾刻。而大來墓側元貞元年四月上休日里，閉晚進王構識。

奉命回次平定

明 薛 瑄

乘輅萬里歷河關，報國甯辭道路艱。首夏初離玉峽水，新秋又過太行山。久聞燕塞妖氛掃，載喜龍

沙鳳駕還白髮，暮年偏感遇東行。有日覲天顏。

柏井寨習射

郭 絃

西原入望黯風雲，故壘蕭蕭斜日曛。弓矢正勞同角藝，酒杯真不到論文。魯鄉舊俗曾觀射，周典何年可散軍。聞道雲州圍未解，邊方戎馬盡成羣。

登六賢堂

無名氏

榆關城構倚長天，寂寂虛堂像六賢。行善旣皆傳故里，功名何異寫凌煙。子孫繼業誰知在，桑梓牽情我自憐。無限雲山遮遠目，登臨時遣興悠然。

高嶺書院

明陸深

石梯隨步與雲深又是青山第幾層望到只疑天
更近興來惟有斗堪憑嶺頭日月開昏曉洞口詩
書感廢興一自文翁歸蜀後手扶風教有誰能

雪中訪左丞呂公書院舊址 喬宇

峻嶺崇岡冒雪來冠山遙在白雲隈松盤厚地蜿
蜒出花落諸天縹緲開傍險欲尋歸隱洞憑高還
上讀書臺平生仰止先賢意莫遣遺踪闕草萊

遊藥嶺寺

喬宇

遲遲車馬渡前溪三日山遊屢見攜韋老興耽西
澗句杜陵才擅少林題花深翠巘鳴春鳥徑轉芳
村送午鷄聞說上方多勝事擬從青嶂躡丹梯

飲藥山東澗泉

泠泠一勺淨塵心絕愛幽泉出澗潄敢謂微涓裨
海渤祇宜清賞助雲林光分蟠螭涵空遠湍激珊
瑚插地深欲聽瀟湘水雲曲朱絃何處訪知音

故關

道旁松火映溪紅夜度層關月正中老興豈緣橫

梁在少年誰與棄
縉同河山表裏連
三晉燕趙襟喉控
七雄聖代乾坤皆
一統詩書何地不
併懽

遊蒙山次郭伯瞻韻

澗谷盤迴帶峭岫
眞從飛躋跨蒼旻
雲驅野色千巖馬
峰疊晴光萬角麟
雄飲詎知尊有盡
捷才誰說句無神
鏡湖一曲皆君賜
高尚何如賀季眞

又

雨過花香落澗泥
遠尋樵逕記還迷
吟躋絕巖開蒼霧
笑倚危槎拂翠霓
下界俯看千壑迥
半空遙指萬山低
紛紛塵世何爲者
忙逐昏鴉共曉雞

觀綿水

西嶺寒流遶澗斜
離離石子帶晴沙
窮源不覺緣溪遠
覽勝何妨問路差
松塢盡時還列柵
桃源深處可移家
臨風翻出清商調
漫把湘絃聽伯牙

老君堂

洞門高挹綿川勝
杖屨重來歲屢更
雲浮九霄看月色
風迴千嶂聽松聲
山人解送淵明酒
羽客能吹子晉笙
三十六天知遠近
仙蹤吾欲訪寰瀛

張果老洞

翠微仙洞接嵯峨
石牖平開映薜蘿
沙水有痕懸疊浪
海田無變結盤渦
從知天巧非雕刻
定藉神功與護呵
願得壺中留日月
采真長和白雲歌

水簾洞

石圍沙堰綠渠開
萬斛泉源出地來
引岸田園資灌溉
傍山林壑映滌洄
蘭亭暫擬流觴去
汾水還思鼓棹迴
共說仙蹤多古洞
猶聞夜夜響風雷

和白巖遊蒲臺山詩

蔡俸

宇內誰雕峻怪形
嘉山石甕與蒲冷
風雲四序常呵護
草木千秋幾變經
阜物安民應載祀
禦災捍患顯厥靈
一方雄峙窮無極
仰止高峰歷可銘

遊老君堂

苗栴

勝境天開晚鬱蒼
一川霜樹靜生涼
遊人列坐懽傾酒
道侶虔修自炷香
秋秒煙深張果洞
山空月滿李膺堂
猶龍贖蹟雄關塞
地當娘子關乘牛而
至想不獨僅歷函谷
也紫氣凭欄認霧茫

暮春遊湧泉亭

李念

有約尋春恨已遲春深正是出遊時鶯花十里圍
城郭風雨連宵入夢思老去光陰偏易醉歸來印
壑總宜詩山亭不盡登臨興樹裏孤村見酒旗

湧雲樓

郝元溟

城上高亭坐日曛將軍舊壘結寒雲烟中牙節參
差見風外鏡歌遠近聞極浦征鴻還滅沒空堦落
木故續紛同遊大雅俱陶謝述作真能繼典墳

春日飲郝家泊

谷口鶯啼日未斜武陵春盡有飛花林開水石干

峰迴岸遶房櫺一逕除靈運才高應獨步右軍墨
妙自名家夕陽不極登臨興草色嵐光自彩霞

遊藥嶺寺

上方樓閣近諸天香梵微微碧落前雲滿洞中僧
不掃客來松下鶴猶眠清秋斷續飛晴雨白日高
低結紫烟擬向靈龕成兀坐遽然悞入一乘禪

湧泉亭值雨

朱繪

春盡高林暮雨幽飛花楊柳亂滄洲客星曾許羊
裘應坐榻誰爲高士留芳草舊交依淨業黃金何

事薄潛修棲雲漱石關人意蘋葉溪毛寄釣鈎

遊冠山

王瓊

冠山突兀峙城西睨傲多時思轉迷儼與榆關增
壯觀故爲高士作幽棲緬懷先哲尋遺址徧拂雕
牆覓舊題最愛老僧無個事溪邊閑洗種花泥

南坳秋興

白雲深

人間無處避塵囂此地頻來不憚勞漫拂野雲題
石壁旋燒落葉煮松醪高懷祇擬淵明醉逸興何
如太白豪日暮欲歸山月上一聲長嘯振林臯

贈孔道士

赤脚仙人破布袍不通名姓自麤豪盧敖去住丹
梯遠丁令歸栖華表高海上幾年乘竹杖人間終
日醉松醪乾坤我亦疎狂客風月江湖共爾逃

法華寺

楊巍

蘿徑盤迴出半空翠微深處謁花宮爐煙裊裊孤
雲外夕磬泠泠萬壑中罷講僧來依樹立忘機鷗
去與人同眼前已悟無生理不待東林問遠公

新興鎮

七

西去平潭二十里今宵猶宿野人家鄉雲望盡幾
時到世路愁來未有涯殘雪滿山欺病客春風着
柳惜年華夢中已約漁樵侶共泛滄江二月槎

秋日登冠山絕頂晚歸有作 姚會極

峰回徑轉入羊腸斜日登臨屐齒忙行次高空扶
帽穩留題絕壁近詩狂風吹驛路烽烟靜日下寒
林老樹蒼蒼過眼秋成今歲好愛尋父老話農桑

平定官署遣懷

環山一帶繞嚴城坐聽絃歌雜誦聲地自漢唐多
戰壘人從楊趙識文名春風浪暖桃川日夜月光
寒柏井營兩字家傳清白在獨留薄宦答昇平

環翠亭餞客

陳 棐

四圍蒼翠遶寒山萬棟參差俯市闌笑語渾如通
帝座笙歌猶恐落人間情牽魏闕層霄近望入長
安雙鳥間蓬跡三年三過此元冬今又上榆關

雨後栢井同方體易

高叔嗣

疎館餘情片日暉陰移高樹晚涼微白窺水檻人
將老轉念山屏客未歸天畔綵虹臨戶映風迥白

雨過村飛荒庭一醉拚君其呼取濁醪與莫違
自相井還平定山行詩

渴汲香泉玉井瓶午行愁熱待昏星空山寂歷鳴
蟬斷潦水縱橫匹馬輕日下孤城邊氣紫地偏六
月草根青休將淺薄供時議自合深栖與世冥

水簾洞

魏綸

洞口懸泉宰地流一鈎寒落水晶秋乾坤機軸誰
舒卷日月容光任去留燕認簾垂翻雨脚龍疑珠
滾戲山頭中問定有真仙住醉我流霞酒一甌

藥嶺寺

張三謨

清涼古寺出城闌寂寞烟村總莫鄰絕頂陰崖藏
虎穴叅天古木作龍鱗雲深采藥迷仙子夜靜懸
藜見老人書舍僧居兩不厭可能一坐隔羣塵

遊獅子山讀喬太宰白巖題有蒲石院碑詩

却和

張三謨

秋半青巒翠欲流綠蕪紅葉靄林邱看山未厭逢
巖宿濟勝猶能盡興遊陶謝若令同述作阮劉何
意不淹留穿雲尋壑原吾事莫漫空齋坐白頭

三義廟

白孕彩

坐談到底誤神州仰止英雄第一流
魏晉河山非復漢關張祠廟尚從劉
當年共割三分鼎今日同升百尺樓
志在中原雖未了後人碑版已千秋

賦得冠山移得近城頭

堂成槽畔壓高臺移取冠山一面開
訝似夸娥新負出疑如靈鷲乍飛來
乘櫟不事鄰青嶂着屐無勞傍碧苔
終日城頭山色擁偏宜清嘯且啣杯

遊禪巖

張修已

逃禪應自愛深林跌坐何嫌抱膝吟
山聳危宮渾妙相鳥啼空谷卽圓音
偶離火宅陶幽興幾向清池照素心
世事浮雲安足憶好從惠遠遯廬岑

冠山

陳鳳梧

春雲晴冠碧山頭誰向山中讀九邱
敝屋數椽臨絕壑左丞千載見清修
泠泠鐘磬禪扉近隱隱藤蘿虎穴幽
名教從來多樂地世間得失謾枝求

京旋復入固關

上官鉉

纔出青山入帝城青山又送野人行
千年有路青

山在一事無成白髮生
谷口浮雲惟自適
枝頭好鳥向誰鳴
嵩陽多少閒田地
剩得農夫幾作耕

妬女祠碑

苗蕃

之推古廟萬峰顛
妬女幽踪作頌傳
大厯高文天寶後
殘碑永壽地靈偏
龍蛇起陸山曾裂
虎豹當關水自綿
風雨千年神介妹
屈原有姊此開先

綿泉瀑布

突兀清泉湧塞南
飛濤鼓浪透煙嵐
家家青磨波臨竈
樹樹霜枝柿蔽柑
石洞號風疑虎嘯
水簾噴

雨作龍潭山雲瀑陰從今約來往無期欲結庵

秋日冠山狀元石夫子洞手譚

石冠冠山玉露秋
蒼林如醉勝瀛洲
鍾王逸筆難拘格
董賈雄才未逐流
雁陣幾行斜奕譜
龍團七碗沈詩喉
誰龕尼父西天上
選佛場中隱狀頭

自瀑房遊冠山

考槃適隱碩之寬
一帶朝烟策蹇看
東澗飛鳴泉瀑布
西山矗峙象峨冠
願言漁父才新沐
莫誤儒身好自彈
高飲明霞歸去晚
碧濤樓下倚闌干

冠山古松

冠山絕頂入雲烟五百蒼松莫計年風動濤聲如
吼瀑雨來鱗爪欲參天大夫樹樹堪題贈羽客翻
翻好伴眠漫說祖來新甫盛斯遊每似挾飛仙

冠山雨中

傅山

空山雲雨不時來亂響飛泉噴石隈黑霧蒼茫俄
頃過青天金碧忽然開百圍樹杪支孤榻千里川
光抱小臺最愛蓮花佛座底莢葵幽艷映蒿萊

答平定州齊守

陳廷敬

西來山驛停車日回首并州又兩年歲暮懷人逢
雨雪天寒行部問耕田政成神爵元堪下旱後螟
蝗劇可憐尹鐸昔曾勤保障使君今比晉陽賢

湧雲樓故址

王士正

湧雲樓閣上城邊猶記尚書創建年青嶂人烟連
玉皎綠蕤花雨映桃川金元文獻誰遺老楊趙風
流果大賢更憶左司詩律好移家曾費買山錢

登奎星樓

董梅

高聳樓臺奎壁清城東掩映振文明嘉流三派龍

頭合巽閣千尋木道生柳媚春郊袍汁染花嬌秋
月桂香盈從今斗筆呈佳兆三載平量萬斛英

出故關

劉大櫟

太行西去隴雲低大陸荒煙落日迷萬里風塵三
尺劍百重關塞一丸泥地分秦晉山河壯人想虞
周德業齊半夜月明遊子息繞枝三匝聽烏啼

乙未春謁漢三義祠

魏一鰲

十年飄汨并州道幾度遨遊登此臺烏噪煙林憐
客倦人迷風雨望雲開高山仰止威儀在特地趨

踰香火來今世桃墻隨處是桃花冷眼不勝哀

平定山中寄州牧張筠園兼柬東王寅若進士

吳雯

澗草溪花不記名嶺雲啣雨作潮聲千回流水縈
行騎一路看山到郡城筆札尚煩公府召袴襦眞
見使君清辛勤幸有山中侶坐看明霞放晚晴

故關

豈是能閒不肯閒勞生今復出重關山中舊壘雜
煙雨城外諸峰如髻鬟宿鳥乍飛芳樹底曉鐘忽

墮白雲間年來羞道終軍事隨分隨緣一往還
重過故關

關門芳草寺門鐘石磴盤桓感昔踪白日迴看天
路遠青山喜似故人逢樓臺傍曉開巖戶雷雨凌
晨過澗松爲愛紛紛紅藥亂翠禽啣下碧芙蓉

文昌祠

夏世安

高閣憑虛接遠岑櫺星淡月遶疎林龍盤嘉水開
文象雨霽冠山批紫襟古木蕭蕭黃葉下芳茵細
細綠苔深寒鐘響振千峰月疑是岐岡起鳳音

奎星閣成喜誌

峻嶒杰閣枕高城瑞靄龍葱曙色晴氣射離宮嘯
煥彩光連帝闕毓文明千秋大業從龍變百代文
章夾鳳鳴多士於今酬夙抱爭看雁字遍題名

九曲流杯

甄汝翼

九曲流杯冷畫屏層崖盤曲上危亭
甃甃弱柳藏鶯碧疊疊重山匝樹青
卧石看雲多遠意採花煮茗有餘馨
平田一派橫臺下麥浪衝烟近水汀

南天積雪

疊起岡巒闔闔間長空正練擁孱顏人煙寒逼霏
霏樹雲氣陰沉曲曲山半嶺冰花催客夢一龕松
火靜禪關行人徧記南天路此日清嚴又幾般

南天門卽事口占

張 恩

愛我良儕折簡催要乘霽爽破新醅南峰縹緲遲
回影北閣崔嵬先後來一寺半腰蒼翠入萬山四
壁畫圖開披風正好逃喧濁石畔松濤認嘯臺
青苔白石喚開樽臭味芝蘭共討論門說南天天
亦小院名勝水水何存峰巒逼仄沙盤路煙霧迷

離樹罩村倘遇營邱都人畫不妨寫我寺前墩

清秋宿露淨高曼雅集招提語率真翠髻青螺千
百狀文場詩窟十三人甘居小戶辭紅友酷愛宏
才接繡茵最是蕭閒堪適志天涯幾許逐征輪

郵亭茶舍滿林秋野興無邊竟日留一局兩奩人
對面七賢六逸坐分頭松遮梵宇晴烘院嵐潤山
廚翠撲旣投轄不嫌歸路遠灣灣新月掛銀鈎

環翠亭落成潞安守方孟亭贈以詩次韻酬

之孟亭曾守是郡者

王祖庚

陽春百尺壯榆關嵐翠廻環雉堞間君固有心開

舊壘

孟亭守郡時更修之

我能無意闢荒菅六賢高躅傷流

水

亭即六賢堂舊址

千古危亭揖遠山俯視萬家煙火裏

朱欄丹檻總爛斑

深慙好事踵爲之未索瓊茅及問龜但使亭臺還

故蹟何當珠玉落新詩煙迷野樹春殘後雨過滄

山晚照時極目飛鳴天際鴈那堪顧影歎差池

娘子關

王祖庚

娘子軍容講武臺雄關嶮岨倚山隈城臨羣澤湍

流急寨望承天曙色開尋到源頭飛瀑雨坐來樹

底絕氛埃

聖朝休養干戈息鄭國渠邊沃草萊

讀學茹通辯用朱陸鶯湖倡和韻

甄 鏞

堯典開天首在欽存心原不是冥心香囊什襲完

金鏡楮葉千重作玉岑莫弄精神歸幻杳須知學

問在深沉考亭一派宗伊洛明月清瀾映古今

讀晉墨卷及詩稿

山陽夫子晉闡差竣旋京過敝里寄有家信

捧卷依然射策初
黃花紅葉伴蕭疎
吾鄉先達推君實
今日高文陋子虛
天廐全收伏櫪馬
龍門還躍暴腮魚
芳聲千里如飛檄
喜接家園一紙書

平定除夕

張世榮

照影恆河感鬢衰
榆關今夕漏聲遲
椒盤綵勝經旬日
松燎桃符又一時
夢到故山梅釀雪
佇看新漲柳拖絲
樽前盡是江南客
好把屠蘇對柘枝

上元前一日諸生置酒登奎星閣

重疊魚書劈錦箋
試燈風緊壓霜顛
閑尋金鼓迎神降
直上星樓覩像懸
萬里鵬盤雲護雪
一城蠟繞露凝煙
傳杯但訴休遲在
半醉吟歸月已圓

遊流杯池

膏雨初收景物新
城南沙畔淨無塵
班荆坐憶稽山地
卷幔憑疑岫水春
歌過斷雲籠淡日
杯浮遠岫蹙紅鱗
冠峨此去無多路
首夏清和更問津

戊子暮春偕陶梅軒
刺史審錄平定道中得

詩三首

徐浩

習習春風草木滋
偶偕刺史視搶纍
明刑自有三

章律慎罰何須兩造辭道上紅塵飛不定林間黃
鳥語方知無多麥飯乘飢腹觀察他年有所思
漫道心清能鑒心祇因奉

詔一相臨李斯已負東門犬鍾史仍懷南國音春雨欲
來生意滿山花開處夜香沉吾民各有無窮樂姓
字何爲獄底尋

按部巡行日已斜嵯峨石徑有人家

常家溝一帶

女兒

綉線長隨母稚子牽衣遠喚爺極目天倫多樂事
傷心地獄少生涯明朝又向南山去空見潘花是

舊花

潘雨蒼舊
牧遼州

偕陶刺史環翠亭春望四首 董元度

亭在州署爲湧雲樓故址

何處登臨豁遠眸湧雲遺跡至今留環城百雉山
爲障撲地千家瓦欲流滴翠乍看來紫氣高寒還
擬傍瓊樓不須更倩荆關筆洞廠文窗好卧遊

東風掩冉度榆關芳草芊綿滿冠山四國陰膏歌

保保千秋風雅繼閑閑

二公皆
州名宦

訟庭日暖翔黃鶴

疊嶂雲深擁翠鬟只少橋頭數株柳和煙和雨拂

溪灣

鶯花上已接清明
幾日紅闈放踏青
傍郭胡旋朝試馬
披帷雒誦畫橫經
州試童子平分春色爭排闥
俯瞰塵寰獨建旆
最喜一犁新雨後
農歌風捲到虛亭

雙雙塔影矗雲開
袞袞烟嵐拂面來
如夢春光驚插柳
側身天末怯登臺
韓侯勲業迷荒壘
介女英靈付劫灰
慚負使君頻索句
揮毫不是大夫才

榆關

高敞書堂坐翠微
山光移近欲霑衣
元遺山詩有冠山移得近
城頭虛槐卓牛看
圓影千樹堂前有玉筍成行列
高槐茂對

四圍指肄業諸生老馬投韁循古道
羴羊掛角悟禪機
千秋元趙遺風在
不信詞壇北土稀
崇賢堂祀元好問趙秉文

諸人詩詞俱擅
一代文譽

天衢閣

會稽 梁國治 階平

飛閣浮空接漢槎
冠山濃翠挹晨霞
關河榆柳逢三月
煙火樓臺見萬家
幾度嚴城籌保障
一從賢守話桑麻
蓬瀛天際塵難到
氣象人寰路未賒

前題 步梁觀察韻

山陰 徐浩 飛山

欲從天際問仙槎 話舊雲樓接晚霞 乙亥入覲在州署湧雲樓

讀梅軒天 學士文章推陶穀 狀元詩句屬梁家 稔

知大澤流黃口 仁看中堂宣白麻 珍重鐘聲驚鹿

夢 閣郎 鐘樓 雞鳴茅店路 還賒

陶 易

傑閣崔嵬傍斗槎 山光樹色映朝霞 遙瞻帝闕一
千里 俯視侯封十萬家 從此榆關新雉堞 依然石
艾舊桑麻 輶軒幾度恩膏遍 一曲陽春興倍賒

仁和 龔導江 岷山

何處登臨問斗槎 巍峨高閣接明霞 溪山遶郭浮

雙塔 楊柳重城覆 萬家鐘鼓曉收朱檻 兩絲綸夜

進玉堂 麻瀛洲健筆春風裏 覽冀雲中望眼賒

章邱 胡子翼 岱峰

盤空高閣逼星槎 勝日登臨趁晚霞 千里關河三

晉路 一城煙雨萬人家 畫欄縹緲連青靄 銀榜熒

煌耀 白麻吟罷新詩頻 悵望蓬瀛天際寄情賒

宛平 陳庭學

憑高漫問斗牛槎城上危樓帶遠霞車馬常過絃
誦地闌閭半屬鼎鐘家秋旌密綴連雲麥晚翠輕
搖夾道麻何事登臨多健筆盤空硬語與尤賒

湧雲樓步漁洋山人韻

吳 巖

層樓舊築女墻邊問俗人遙四百年嘉嶺含雲開
翠嶂懸泉噴雪下平川溪山草樹逢新雨觴咏風
流憶昔賢古塞榆關真扼要我來侵曉跨連錢

天衢閣春望

濟南 胡予翼

何處登臨懶躋攀天衢高閣枕榆關淡濃煙鎖東
西峪上下城臨遠近山庭榭俯看春樹裏人家疑
住畫圖間我來借得維摩榻暇日憑欄一解顏

登榆關城樓有懷淮陰侯

西來何處足登攀上艾城頭萬仞間荒壘千秋臨
趙國清霜一夜滿榆關興劉勳業垂如昨破楚將
軍去不還極目遙岑傳試劍高峰留照月弓彎

遊流杯池

流杯九曲漾山空盡日登臨興不窮春水波生三
徑綠桃花影落一池紅尚書勝蹟浮塵外公子靈

旗返照中更有新成亭榭好湧泉約略可能同

陶公東井

李躍淵 景潛

井星東聚近詞擅抱甕仍將運甃看拜出飛流功
半耿修來汲綆義兼韓滌洞教澤霑千古活潑文
機漾萬端挹取清冷隨茗戰旂槍新試鬪龍團
靈源移注自嘉峰易象開蒙悟幾重學海文河通
道脈天光雲影淡塵封憑他潤下陰陽合許我資
深左右逢漫說鏡人還鏡水使君廉讓是儒宗

景潛李君雅擅古文詞工
書法著有榆關金石錄

將之淮上留別四首

別同官

陶 易

專城六載托同舟乍奉除書許暫留敢以龔黃誇
卓績每懷楊趙愧風流潺潺冀野桃川漲馥馥淮
山桂樹秋他日相思忘不得湧雲樓畔一回頭

別紳士

滿城甲第擅清華水繞山圍處處嘉景物樓臺千
雉堞書聲燈火萬人家名賢勲業光青簡耆舊篇
章散赤霞考獻徵文吾輩事書成珍重寄天涯

余重輯州志
尚未付梓

別書院諸生

崔嵬高閣講堂開
往詰羹牆好溯洄
綬級甘泉通道脈
塔環玉筍盡仙才
九天鶚舉排雲翮
三月龍蟠起蟄雷
圖始經營還記否
使君親爲闢蒿萊

別父老

芹泉臯落故陶唐
婦子瞿瞿樂未荒
尚有遺風歌漆栗
須知本計是農桑
茨梁共驗敦耕力
襦袴還憑絡緯忙
記取篝燈勤夜作
漫拋機杼嘆無裳

州不紡織余勸勉
諄諄未有成效

和韻

仁和朱敬修願堂

清望遙傳不夜州
符分冀野萬民謳
朱幡再駕淮山隔
赤子深仁棠蔭留
竹馬歡呼爭迓伋
蒲鞭示服却宗劉
承恩三載琴初奏
五柳春風處處周
按部人安吏散衙
勸勤耕織頌聲嘉
日長最愛民躬稼
夜靜猶聞女績麻
澤被蒼黎回菜色
恩沾枯木盡萌芽
分明一道隨車雨
又滿江南百萬家
腰佩金魚應上台
臨軒冊授九重來
琴攜蜀郡猶

聞矣虎渡江流復見哉齊治頓殊千里驥激揚期
聽一聲雷士民兩地欣成化桃李公門次第開
久惜分陰志未荒瓊瑤玉佩振琳瑯泉開東井連
奎璧地闢嘉山集驥驥芸草階前時展卷芝蘭室
內夜焚香栽培共沐情何限館舍林亭那便忘

和韻

仁和 龔導江

登龍三載待同舟五馬今朝未肯留運甓公遺新
政績賣刀我愧舊風流不辭學步同餘子剩有相
思及早秋料得月明枚里夜吟成還寄燕山頭

淶水芙蓉乍吐華詩情對此益清嘉弦歌是處皆

仁里文酒相從盡故家康海成書懸日月公修平定志媿

美於對山志安作序爛雲霞導江亦修壽陽會看

武功志云志安作序爛雲霞志公爲作序

劔剛成功後瓓重開亟淮水涯
趙北燕南上舍開芹泉桃水共滌澗拈据締構傳
東井講書親成總茂才自有高風映楊趙好教下

邑慕宗雷受川此日趨踰盛導江亦修理翹企同

歌北有萊

遺民從古說陶唐蟋蟀堂前說戒荒父老尚能數

甲子使君親爲課耕桑杏花苜葉耘耔遍篝火機
聲里巷忙從此江南風景好攀輿爭逐我公裳

秋日偕嘉山沈院長並僚友登湧雲樓小飲

鉅野 姚學瑛

蕭蕭木葉碧城秋結伴登臨共勸酬遠近煙嵐杯
底合參差雲樹望中收昔賢何處傳三異我輩誰
當第一流懷古蒼茫頻徙倚夕陽山影入高樓

次姚刺史秋日湧雲樓集飲原韻

仁和 沈榮勳

誰開圖畫一天秋社結香山競倡酬幾曲闌干涼
月近千家簾幙夕陽收客中詩興濃如織座上巖

光翠欲流睥睨重城高百尺頌聲直上湧雲樓之

左側雉堞下列居民環覽無不在目刺史以磚
瓦彌其罅近城州民德之立石垂久故云

平定官署述懷 次前明七
世叔祖韻

姚學瑛

冠山移得近重城雅喜松濤雜雨聲環翠亭虛浮
翠黛桂香堂靜飲香名 用李白事 水簾夜月仙人洞卓

壘秋風漢將營乘傳快逢佳勝地獨裁好句頌清

平

出柏井至平定州

陶澍

落落人家抱驛郵，土門口遠石門頭。
微雲度澗疑爭路，驟雨衝崖欲放流。
地據山阿藩晉國，州如斗大湧名樓。
來朝七十二河水，應惜幃泥拍浪浮。

故關

山陰 吳安祖 念庭

翠屏丹嶂倚天開，束馬懸車此地迴。
廢壘雲深蹲虎豹，斷崖鳥沒動風雷。
巖疆自古嚴防禦，關吏於今候往來。
太息韓侯停節處，殘碑零落掩莓苔。

春日郊行雜詩 平定

川原髣髴瀼西莊，野色迷濛夕照黃。
甘雨一犁鴉舅喚，靈鷲三箔柳姑忙。
行來任昉春應暮，老去師丹事漸忘。
聞說和風能解凍，煩他吹却鬢邊霜。
閒情時復出城遊，前度探春跡尚留。
雨過綠楊時蹴地，晴開紅杏笑當樓。
山家土屋儼蜂穴，驛路輶車似水流。
布穀聲催農事起，無邊生意望中收。
太行東顧擁浮雲，旅雁征鴻度夕曛。
春滿陽泉晴滴翠，風來石甕水皺紋。
俗存舊習敦龐古，喜見連村誦讀勤。
野老漫傳靈蹟異，仙蹤瑤草長空聞。

孤行自見素心真嘉水潑洄好問津城擁溪山臨
古道職兼守令更親民韓侯故壘渾無跡妬女荒
祠尚有神暇日一編聊自記輶軒留待采風陳

春日郊行

遠山一抹綠拖煙旖旎風懷到酒邊行部春深芳
草地舉帷花滿艷陽天新泥粉漬迷蝴蝶古木陰
濃叫杜鵑欲借冬之郎傳彩筆閒情書盡沅溪箋

念庭刺史來守平定書之暇寄情詠歌刻且
存稿於官舍督學使有陳嵩慶爲之序類皆情
深旨雋格正詞清復于前弄麗矣越陰纂撲庭
之絕唱大雅奚慚續黃琢之佳篇正聲猶在從

此蓮洋梅村而外別有詩人
蒲嶺桃水之間競得麗句

修葺嘉山書院落成延師課士賦詩四章且存

典學 熙朝景運開藝林從此闢蒿萊文衡正待

宗工掌士氣原蒙 聖澤培前歲蒙綿水嘉山思廣額

鍾偉器明經建雅藉英才城東彷彿元亭路合有

蔡芭問字來

吟聲花影數磚移芹藻交橫樂泮池誰似文翁能

化蜀人稱穎士可爲師隋珠和璧都無價鹿洞鷺

湖各有規指日嘉賓着式燕諸生成誦德音詩

待聘誰攜席上珍科名焜耀榜中人四方師友同

聲應一代鐘鏞兩序陳好義邑多慷慨士大令任用儀諸

公董率孝廉孫植忠損資倡修掄才我愧語言臣古桐奏罷元音

在掌教許瀛仙孝廉首唱七古桃李成谿到處春

野分參井聚文星雁序鵷行入座馨睨皖聲中春

負笈扶疎枝下午橫經香浮鵲尾爐名重簾卷雨洗

鰲頭山名疊嶂青好惜三餘勤講誦千秋前哲足儀

型崇賢堂祀一十九哲

嘉慶十八年歲次紫琅萬卷緬隨鹿洞之齋關昭陽作噩重修嘉樹千章題作鵲湖之講席

城北弔元左丞呂公思誠墓馮嘉謨習三

孰攜斗酒奠英豪故鬼從教餒若敖矗立古碑剝

風雨半欹翁仲沒蓬蒿佳城春暖骷髏泣夜月燐

飛老鶴號電馬雲旗無處覓一坏荒土暮山高

鄉賢名宦久稱揚五百餘年事渺茫享祀禮存神

降釜滄桑世變鬼悲傷一朝柱石遺孤塚兩代簪

纓付夕陽咫尺山城依舊在樵夫牧豎任相羊

墓田無復子孫耕何事磽磽苦力爭碑碣不能詳

世系箕裘誰更繼家聲空山競墮行人淚故史徒

留後日名蔓草荒煙增感慨短墳三尺穴鼯鼯

遺徽曾附六賢堂揚趨風抗歎並亡曉日招魂蚶

蝶香春風啼血杜鵑忙仙成豈解來元鶴石老惟

看卧白羊萬古青山骸骨瘞墓墟一帶野花黃

遊明靈王廟

祀漢和戎將軍邳彤明英宗病瘡感異夢夢有人陰治之已而

果愈繪圖肖像乃神也特封明靈王廣其廟制土居者相沿以為神司醫瘍云

雲臺滅沒幾千秋象簡珠冠此尚留福曜莫綿炎

漢祚將星長照湧雲樓而今瘍疾叨恩遠當日和

五言絕句

薄暮望定軒不至

李愈

梅花照石磯寒雁下山閣孤舟望不來渺渺烟波

潤

青玉峽

王士正

路繞井陘東奇峰看不窮眼明秋峽裏復此碧玲

瓏

懷山堂

吳雯

山中有草堂未得山中住白雲不讓人占盡讀書

處

書齋題石

劉元龍

老石勢盤挈危坐西牆下米顛不敢拜恐是能言者

禪巖雜詩

李其達

我來竟何事久坐高僧廬想搆數椽屋因緝貝葉書

石洞窅且深花落無人掃仙翁去不還何處尋瑤

草仙嶠洞

平定州八景

吳安祖

山城宿雨收明霞麗幽景閒登古戍樓夕陽澹秋

影紅樓晚照

素影金閨夜斜筵寶瑟情何如彈上月留照讀書

聲平潭秋月

蒼蒼雲外松磊磊澗中石秋氣忽蕭條月落使林

白白岸秋霜

清景曠吟眺勝遊似故鄉滌洄亦九曲遵渚泛蘭

觴九曲流盃公籍山陰者蘭亭憶故鄉

野塘香水噴山花紅映日試鼓石上琴定有幽人
出 勸泉春色

橫波漲五渡驅鷁出紅闌兩岸蘆花冷秋容倚棹
看 五渡平波

霜林響疎鐘積雪縈迴棧習習來清風自覺泠然
善 石堯生風

寸膚濃陰合紅泉石磴流看山情不厭隨意狎沙
鷗 冠山兩過

六言絕句

明李愈

芳樹數聲嬌鳥春圓幾點幽花醉客多情江上游

人何事天涯

夜坐棋敲月落春眠花傍魂飛閒愁話盡雙燕佳

句囊承一笑

七言絕句

奉使鎮州行次承天行營奉酬裴司空

唐韓愈

竄逐三年海上歸逢公從此著征衣旋吟佳句還

鞭馬恨不身先去鳥飛

湧雲樓雨

金趙秉文

片雲頭上一聲雷欲到冠山風引回牕外忽傳林
葉響坐看飛雨入樓來

簾雨風搖不上鈎欄杆吹濕洗間愁雷聲催雨東
山去留下斜陽恰半樓

過故關

元好問

過關天日正清明誰道山神不世情遠客得歸心
緒別隴汧間作斷腸聲

平定雜詠

元好問

一溝流水幾橋橫岸上人家種柳成來歲春風千
萬樹綠煙和雨暗重城

聶谷道弔馮大來

元王構

青衫竹馬角猶了會到東州副使家正值漾泉春
色好東風開滿樹頭花

又

褒衣蟠腹大馮君晉國先賢迥出羣誰識英靈舊
時事滿山明月一溪雲

秘家泊

明王瓊

懸崖百尺盡生寒，却有清泉出石間。
安得五丁無限力，原頭鑿見令人看。

其二

數派清泉石際生，潺潺流出珮珂聲。
古今遊客知多少，誰識無窮造化情。

聖壽寺

明王雲鳳

千年老樹草爲衣，風雨崖頭石欲飛。
松下殘棋人不見，白雲深處鶴雙歸。

憶州中名勝期松谿李君同遊朱繪

秘家泊是舊池塘，池上春回荇藻長。
遍種芙蓉船載酒，權歌風景憶江鄉。

隔岸鐘聲度遠天，白羊祠宇草芊芊。
溪流澎湃門前曉，知是南來瀑布泉。

冠山靜坐撫瑤琴，風捲松濤響翠岑。
雲水相看無限意，待倚松雪寫寒林。

山高梵宇碧天齊，物外尋僧緩杖藜。
閒叩禪關參秘論，夜深相送虎溪西。

玉屏展翠仰山蒼雪迥冰寒六月涼避暑留雲眠
石榻幽人有夢到羲皇

谷口田疇別有春河頭村落太初民此中久擬移
家住愛結芳鄰鄭子真

君七弟恒齋南召令解組
隱此

爽挹嘉山心跡清湧泉亭望暮雲平廉纖夜雨秋
深候響送林阜楸葉聲

娘子關河黛膩綿

綿水色碧
流經井陘

騎驢雲碧隱真仙

關

乏驢嶺仙跡張果隱中條山驢名雪精
倏忽千里古畫有雪中騎碧驢之印

洪崖策蹇

棲遲處洞府珠簾激浪懸

喬宇詩綿水承天皆洞
府崆峒須問廣成篇

藥嶺春還藥草多雲深時聽採芝歌仙廚亦有胡
麻飯劉阮奇蹤幾度過

青蓮詩思文章伯掃石題雲閣歲華老我與君山
水癖好尋勾漏了丹砂

右十詩蟬聯一氣如工部何氏園林不可分摘
致失作者意趣且注意全在未首詩中某水某
山皆憑空寄想匪盡實歷蓋憫君子之在野非
樂寬閑於碩人寄興遙深解人正難驟索也

山居二首

明李念

空谷人聲久不聞幽林飛鳥盡成羣偶來道士攜
雙轂踏破蒼苔一徑雲

長日山中更覺長北窗高納午風涼夢迴一笑人間事童子燒殘幾炷香

春日嘉溪

明耿綱

嘉溪春暖柳垂絲上有黃鸝深處啼挾彈或驚公子過神雲飛去夕陽西

趙家莊寺牡丹

明任鑑

遠上高寒古佛宮可人惟有牡丹紅洛陽獨盛名園裏何與山花較異同

娘子關偶成

明王世貞

夫人城北走降氏娘子軍前高義旗今日關頭成獨笑可無巾幗贈男兒

水簾洞

李俊民

倒傾蛟室瀉瓊瑰派落空巖雪浪堆捲地風姨收不起素娥垂下玉鈎來

虎溪菴六星臺

董其昌

仲舉無心除一室盧鴻有句寫千峰欲叅茗帚聞中意九點秋山雨後雲

嶺西別業

張修已

平定州志
蒼苔雨濕扃柴門終歲無人破綠痕
花落花開春幾度書聲一任到黃昏

山行卽事

國朝 吳雯

燕子烏衣雉子斑黃牛舐犢水牛開
迎人無限掇藍色布穀聲中四月山

平定道中

吳雯

蠟餘聚落幔攸亭豈識經行山路
東久向顏家愛奇字新詩記在玉屏風

雨中度固關

王士正

危棧飛流萬仞山戍樓遙指暮雲間
西風忽送蕭蕭雨滿路槐花出固關

平定西道中卽事

伏流處處瀉驚湍赭石荒岡眼倦看
何似小園松竹下玉鷗乘月吐清寒

栢井寨

趙端

田家新綠遶柴門驛路風沙野色昏
憶昔淮陰空戰壘惟餘荒草對山村

冠山飛翠入平州縹緲高城烟景收
想像遺山詩

句好周遭雲錦是新秋 平定十一憶冠山

石艾城邊故壘存 淮陰遺蹟戍兵屯 承平莫話當年事

試看花明柳拂村 上城

金源耆舊數閑閑 曾建飛樓對遠山 賦碣未殘奇

字在仙人跨鶴幾時還 湧雲樓

雨窗山下綠成林 灑灑清泉繞碧岑 最是流觴遊

咏處高情何必減山陰 流杯池

新堂初築傍槐根 退食公餘對短垣 桑下不須二

宿戀星軺從此得春温 新建察院後堂

浮圖雙峙下城隅 望闕朝正競拜趨 試聽呼嵩應

巘谷山光佛日祝唐虞 天甯寺冬至元旦慶賀於此

西來佛國飛慈雨 東去朝京報惠風 猶記齋居祈

澤處新詩鐫石嵌花宮 白衣菴辛未壬申祈雨輒應

文星高閣燦層霄 碧嶂青巒意象遙 果爾一枝仙

桂馥人間奪幟復聯鑣 文昌祠

古驛昌黎綵筆題綠芹 香水到今移我來 但汲清

泉飲明月團團似昔時 芹泉

桃園十里村煙合 栢井人家邬壁深 六載塵勞來

往慣兒童應識屬車音

相井

尊酒論文得暫來

諸生葛子謙吉攜樽寺中時樂平俞令同席

化城梵

頃晚徘徊西州名士如相憶還向禪宮一舉杯

藥嶺

名園泉石隱山隈松徑危亭次第開自是聲名傳

汗簡至今古木老蒼苔

天留園

昇平詞

王祖庚

歲歲蠲租

鳳詔傳西成萬寶紀豐年花村不日追呼吏野老婆娑

社酒前

固關

天然設險兩峰開咫尺風雲護戰臺關吏猶知王
刺史頭銜不改又重來

妬女祠

草鞠荒祠暮雨寒停驂憑弔向河干綿山面目應
如舊南望雲封何處看

因水稱山孰是綿誰家少婦肖便嬾笑他傳會猶
傳信殘碣還刊大厯年

平定道中

金農

按金壽門名農號冬之心錢塘布衣嗜奇妍
古足跡半天下詩格高淡舉鴻博不試道
遙山澤品
尤可尚

兩後春流瀉黛脂李諤作頌託微辭行人飲馬來
偷覓一陣花飛妒女祠

平定雜詩

有專集版
存文昌宮

曾尚增

榆關

井參分野實沈墟鎖鑰嚴關幾代餘雉堞參差城
上下於今猶是晉人居

見國語

湧雲樓故址

漁洋山
人有詩

高亭盤礴俯滄洲四面雲山足卧遊不道新城老
詩客探奇曾問湧雲樓

盤石關

盤石關前石路微離離黃葉小村稀斜陽忽出奇
峰影千疊晴雲屋上飛

六賢堂

古蹟荒涼鎖斷煙金元名士付啼鵲誰知日落青
山外猶有詞人弔六賢

陽泉

元裕之有陽
泉西谷詩

陽泉一曲水灣環方外翛然客意閒最是溪聲推
枕得至今好句愛遺山

乳泉 盤石村南澗
今仙蛻猶存

盤石山南一澗幽泉聲浙瀝澗中流仙人一去歸

無日何處瑤池十二樓

廣陽城 漢上艾今
新城村

荒村那識漢唐名廢址參差秋草生今古心傷陵

谷變廣陽村是廣陽城

白雞祠 唐莊宗獲雉
處在龍庄村

盡日靈風捲畫旗驚心野外白雞祠唐家事業彫

零日寺令當年苦諫時 張承業事

李英公祠

循良異代仰高風惠澤沾濡謳思中不信試看東

郭外州民猶祀李英公

喬都御史祠 過州目擊饑荒鬻子女者特捐
重貲賑濟活幼子一千四百餘

嗷嗷鴻雁叫斜陽哀此矜人為解囊多少飛章達

民瘼應餘諫草在南床 公名應甲
猗氏人

楊著敢守直 俱金人金亡不仕

忍見黃星事又新幾年高卧故園春方山居士嘉
山隱不媿羲皇以士人

聶珪 珪九授平定等處都元帥恆山武仙叛
珪破之於石人砦

恆山西望客心驚烽火遙連上艾城虎兕盡驅石
人砦西陽從此罷刀耕

耿九疇 明永樂末進士歷官陝西巡撫南京
刑部尚書上嘗謂九疇廉正人前官

兩淮孺子歌有清水
不如使君清之語

尚書廉正動邊城黃髮承恩冠兩京淮上至今歌
孺子水清何似使君清

郝夔 明禮科給事中正德間寇犯邊守臣
報捷上命夔往覈之逆瑾出尺紙語

夔曰此吾子弟輩三十六人名也君為我
註獲首虜功夔不從瑾使人道殺之有我

天子近臣豈
從賊謀語

當年啣命赴長城大義分明一死輕二十六人成
底事到頭不媿近臣名

朱一統 明蒲城令闖賊之變赴井死有吾家
七世衣冠此身一日生則城明城印

明印語蒲人顏
其井曰弔忠泉

城頭誰豎不降旛七世衣冠獨報恩故印已同城
並失忠泉千古與招魂

塔火

州俗上元各於門前圍石炭焚之名曰塔火

上元塔火俗相仍天雨青熒得未曾只少明湖半
城水更看夜月放河燈 吾鄉元宵放燈於大明湖

遺詩軒追和壁間元左司句 董元度

新傍華堂起石樓重鐫詩版照千秋客來閣筆休
題句為有遺山在上頭

樓前山色幾縱橫百雉登登欲告成 時方築城 烟雨不

須千萬樹清風五柳拂重城

平定雜詠 陶 易

天衢閣 上城北門梁觀察題額

凌雲傑閣聳嚴城好句留題似琢瓊 壁間嵌篆最階平詩版最

喜人遊衢路穩夜深隱隱度鐘聲

朝暉閣

憑高望遠挹朝暉小閣新開近紫微願與吾民賡
化日寸心常傍五雲飛

遺詩軒

署中新葺小軒壁嵌元遺山句

一代文章擅逸才開軒吟罷興幽哉官閒且喜能
醫俗為與詩人坐卧來

改井 州南營有古井湮塞已久鑿以便民

井收勿幕踵前功烟火千家汲不窮此後流長源更遠好聽擊壤話遺風

嘉山書院 三十三年新建

闢成藝苑育羣英文學風傳石艾城借得公餘無俗累攜朋來聽讀書聲

東井 在書院東偏

講堂新闢潤文河義取王明受福多莫道及泉惟九仞漫拋修綆冀盈科

潑潑泉

陶 易

深溪曲澗水聲淙活潑源頭到處逢知是齋心神賜捷恩波乞取潤重重

鎖黃泉

東臯緩步挹名泉洞壑清幽別有天敬向靈祠一瞻禮層層殿閣鎖寒煙

娘子關

飛泉百尺聽潺湲一鏡澄空澤水源莫嘆金元文獻杳風流千古憶題痕

李諲譙姪女頌

綿山南望白雲低，祠畔荒涼草自萋。
不信倫常多矯行，尚留殘榻載評題。

早度固關次漁洋先生韻

濟南

胡子翼

一徑深圍四面山，林聲遙在白雲間。
西風不遺蕭蕭雨，明月隨人出固關。

睡起

半榻松窗五夜風，鐘聲杳杳雨濛濛。
驚回一枕春歸夢，身在榆關古寺中。

平定道中

陶澍

崎嶇側石逮平潭，犖确曾無勺土參。
獨有沿河蘋果色，老紅經雨倍加酣。

遊流杯池四首

雁門

馮嘉謨

習三

輕煖輕寒二月時，流杯池畔悅賢祠。
祀趙尚書秉文我來瞻仰尚書像，文采風流儼在茲。

一池清水淨無塵，二寸遊魚潑刺新。
翠柳青松都拱衛，湧泉亭上叩來因。

恭孝當年本性生，嘉山豈必勝新城。
神仙從古多

荒渺福祐蒼生便得名

土居者以為神即晉太子申生雖既庶常見南碑文

亦托微詞同遊李生友于獨駁之雖有創見而傳流已久正說猝難伸也

石徑逶迤散步來流杯古蹟沒荒苔短碑空載遺

文好勝會無存歎俗頹

碑載此邦人士於月朔詣廟一蔬一飯即可歡會而

父兄子弟各講其所行之得失以為規勸洵先正處鄉治家良法也而今不可復覩矣

習三司訓秋水宗支訥生後裔擅勝驪壇不替家風落句驚人宛合聲律署任期滿留別諸生

七律五首屬和寥寥今原作不錄附和章一首東風漏洩柳條春誰譜驪駒曲曲新始信調高原

和寡可徵學富忘官貧菜根滋味同知已蕉夢功名轉誤人野草離離青不斷河梁詩句妙通神

諸生李友于步韻

輓應五劉先生

提督寶 瑣 交貽

雲山北向望中悠嵇呂當年溯舊遊忽道故人今

化鶴悲風四起海東頭

螭幡未起志長湮拂袖西京去弗還獨有聲名垂

不朽風流猶在世爭傳

元龍百尺比胸襟義分明霜照古今慷慨綈袍憐

范叔有人最感受恩深

鴨頭波漲碧粼粼踏臂歌中兩岸春獨上大堤思

築版是誰還憶傳蠟人

利物何須傍紫微為霖不必應熊飛請看挾策陳
民瘼落落榆關一布衣

八

往事猶堪痛腹思生平磊落萬人姿欲將北地無
雙士為勒人間第二碑

世有不能已於其人之故而鬱於情情有不能
自禁之時而發為聲向秀典歌感恩故舊士衡
歎逝流涕斯文情難遣也要必其人之學術品
行堪為物表而後美斯愛愛斯傳焉耳董元序
案劉封翁諱潛德字應五州學廩生以子樹坊
貴晉封奉直大夫為人剛毅正直勇於有
為鄉里多受其施迨沒後老成典型尤係人思
士夫贈言哀然成帙茲六詩情文兼至封翁之
行誼固藉以傳而文
貽之素蘊亦見矣

孝婦吟

李緒宗

婦氏朱年十七歸族姪師舜家貧姑性嚴
氏事姑惟謹克盡婦道迨夫亡家益窘氏
病榻侍姑寒暑不懈者九年傭作以備甘
旨百苦備嘗不使姑知可謂孝而能敬者
也宗黨賢之感而作此

病卧床頭鶴髮婆關心痛痒手摩挲祈天療疾割

肝祝

姑患隔症醫者謂須得鹿血良
急難覓氏遂刺腕血和藥以進
競說吾宗有

孝娥

米珠薪桂鳥窺厨恥向人前說有無先意承志歡
心得可憐孀婦事孀姑

藜藿是甘不怨貧百計持家奉老親未盡烏私泉
下子也應俛首未亡人

盡瘁萱堂慰一生女箴女誡素分明他年論孝兼
論節兩字由來判重輕

詩餘

附詩末

自娛

張修已

一穴凭高青嶂遶蒼蒼林木雲泐泐好鳥飛來人
不到凡心了籬邊炙背攜兒笑木榻半留明月
照攤書吮墨山牕曉村巷不知城市鬧煙霞老世
間何事堪煩惱

右調漁家傲

惜飛花

甄 鎬

桂棹分煙渚韻望飛花何處韻綠陰漠漠嫩紅飄



原件短缺

米珠薪桂鳥窺厨恥向人前說有無先意承志歡
心得可憐孀婦事孀姑

藜藿是甘不怨貧百計持家奉老親未盡烏私泉
下子也應俛首未亡人

盡瘁萱堂慰一生女箴女誡素分明他年論孝兼
論節兩字由來判重輕

詩餘

附詩末

自娛

張修已

一穴凭高青嶂遶蒼蒼林木雲渺渺好鳥飛來人
不到凡心了籬邊炙背攜兒笑木榻半留明月
照攤書吮墨山牕曉村巷不知城市鬧煙霞老世
間何事堪煩惱

右調漁家傲

惜飛花

甄 鎬

桂棹分煙渚韻望飛花何處韻綠陰漠漠嫩紅飄

住住住 庾亮南樓句 宋玉牆頭句 何消淒楚韻

看山村紅雨韻 無雲自舞韻 黃四娘家珠翠燒句

去去去 白玉階前句 烏衣巷口 飛來難數韻

右調醉春風

妒女祠集句

吳 巖

山木女郎祠王維 西路翩翩去時韓翃 綵旛新剪綠楊

絲韋莊 槐花點散翠暎陳元初 練帶平鋪吹不起李賀 漠

漠黃花覆水朱放 繡領垂蓬髻杜牧 含情咫尺千里魚元

機 右調河瀆神

樂府

山木吟 為和烈婦趙氏作 劉元龍

山何有兮木與石木何有兮枝與葉人何有兮身
與命身何有兮義為重妾義重如山妾命輕如葉
人為連理枝身為望夫石結絮為纒繫綱常取義
不計身存亡石可爛木可枯一任高山平為途吁
嗟此義不能無

丁巳秋日過愷亭氏書齋愷亭至自郡詢所聞為
予言曰有烈婦趙氏者客冬歸上城文學和公選

之次子銳行賈出以春旋以夏六月婦歸甯母家
未知也越旬日銳以疾死逆婦婦聞耗跟踰至見
姑撫夫尸哭亦哭哭已啟姑曰若何日返舍且病
者曷召新婦侍湯藥唉已矣復哭極哀俟尸移子
舍拒戶自經死家人破扉入解之甦徐睨鄰嫗曰
媪何爲者吾得死死無憾何爲者勸之食不食強
之寢舉衾覆首給守者以不死時巾帶悉屏去潛
結斷絮繫頸竟死嘉慶二年七月十三日也婦年
十有九歲

樂府

董孝子行

柳窻藻

孝子名勤方父存恕索逋於宣化沈令病
卒蠻荒欲往收父骨值粵氛梗道遂來
都問計於勿齋陳先生余哀其意
爲致書粵撫俾護其行兼贈意詩

嗟哉董孝子萬里奔父喪出入盜賊裏一解孝子

家何所晉東古上艾門前縣蔓水父喪在何許粵

西昆侖關宣化縣其地近交趾二解孝子聞父喪傳

言不得詳匍匐走都京都京無親友踉告陳先生

董君受業於致書後欲叟叟曰子有母父喪子必
勿齋先生

奔母命亦必受孝子銜涕歸歸奉母命來路人爲
之哀 三解 是時粵西賊再竄陷楚北道路澀如棘

孝子涕垂頤父喪不得歸子生亦奚爲父喪歸不

得子甘死盜賊 四解 叟曰子勿悲吾有二三五友遠

官粵西陲 勞辛階中丞 粵有蔣大夫近官於京師

霞舫其人皆可依宛轉尺素書爲子謀先資又有

粵西吏子可結伴去道路卽有警紆回庶往濟 五

解 孝子銜涕行匍匐出都門南望江漢城朝視烽

火光夜聞甲馬聲裴裒南陽道西上沿襄荆荆門

達桂林不知幾千里跋涉忘所經但見草木長又

見草木零 六解 萬物有苑枯孝子無窮途廉範不

覆船王陽不回車官聞孝子來遣騎致所須邦人

見孝子奔走爲致書邂逅語交衢似與孝子識驚

問乃鄉閭 遇同州舊識 竟知父殞所一一陳厥初

七解 桂林指南郡風塵隔瀕洞蕭條千里間人少

豺虎眾孝子銜涕奔擲身蠻荒界投足鬼伯門不

悟父喪久放悲聞父存天涯一小縣連年苦征戰

逆旅斷羈魂薄棺寄僧院何人爲收骨何日營祖

莫不意南飛鳶化作北歸鴈八解 邕管路悠悠柱

管居上游誰謂湘灘水不能送客舟朝辭洞庭下

暮聞鄂城收誰謂黃鶴去不度武昌樓武昌接中

州朝暮行不休朝朝復暮暮西入太行路太行白

雲飛靈旄從之歸九解 孝子今有父盜賊為之避

鬼神為之輔孝子今見母母病不自悲但悲兒辛

苦念兒別幾時去年楊柳青今年蒲葉滋往還一年有餘

看兒衣上線去時淚斑斑歸來雨如汗十解 走謁

陳先生先生曰勤方子實不負名後見殺仇叟叟

曰董念于孝哉今罕有吾聞黃孝子向堅吳中孝廉兩親陷雲

南徒步尋歸有絕程畫冊 滇池奉親歸圖書有山水又聞王孝

子原文安民尋父於輝縣奉歸李贊為傳傅青主書 太原公之佗書傳播

厥美遺風二百年寥寥復見此生還猶足慰死別

更悽惻生死同此心難難報罔極十一解 叟為孝子

詩敬告桑與梓且以貽所知干戈尚未戢男兒當

有為求忠必於孝庶幾其念茲十二解

郗烈婦紀事

李友于

客臘於西峪村訪舊適楊氏姊固葛姓甥
女也挑燈夜話告余以郗烈婦葛氏殉夫
近事且言婦母孫氏亦夔而賢者母貞女
烈有由來矣述異事於香閣續茂倩之樂
府

溝濼碧波龜石阻

烈婦生
長斯村

不鍾奇男鍾奇女生小

出儒家大義能自許

一解

奇女姓葛氏十六嫁郗

郎伉儷五載稱未亡

二解

舅姑吞聲潛焉聚首既

哭佳兒又哭佳婦四壁哀蛩伊誰耐久三解婦曰

是在我南山可移節不墮禮葬夫傷永訣窀穸躬

掃潔生奉箕帚死同穴誓殉夫矢天日屈指連理

花用朱淑數奇股七七仙人殷七七不論時節遣

死借婦曰已矣可以死矣四解奠塚灑盡闌干淚

焚香難期返魂致夫終時氏許以身殉夫之期

再覩無如幽明路隔音容渺於隴頭相待婦七七上塚思一

茫地下相尋計不再決矣家人密伺來解懸雉

經不許在喪次五解婦乃長絕粒柔腸日就枯以

死復誰懟銜悲告翁姑婦之身父母生婦之節翁

姑成婦不求近名婦惟全吾貞六解地爐禦冬風

嚮晨成仁濃煎苦杏仁暗給侍女囑少間舉杯和

淚如飲醕片語彌留身竟死取義何慮志難申七

解我因訪舊屐踏雪異事山村逢人說揮毫爲續

山木吟山木吟劉君元龍爲和昔讀柏舟今掩泣

吁嗟乎烈婦作至今膾炙人口

丹詔頻聞矜烈節別有好辭榮墓碣八解用曹娥碑事

咸豐庚申立春後三日

嘉山書院東井賦

有序

甄汝礪

嘉山平定之勝也文登陶公來守是邦戊子鼎建
書院取以名焉越明年於講堂之東偏穴地得泉
築亭於上題曰東井蓋取汲古得修綆之意余固
樂爲之賦云其辭曰欣賢守之循良仰文章之
蔚炳採珍則祇慮遺珠求玉則無辭剖礦惜分陰
兮真陶拜涸泉兮若耿巽坎成象地湧寒泉晉楚
分材人懷修綆因愛士以便爨爰隙地而測景絳
者臨蒸建院功績西湖茲者嘉山肇名澤穿東井

爾其源分黑水脈衍桃泉探月窟之深深圓堪受
月挾天根之繹繹洌可澄天青帝一方五星色聚
銀瓶數點七斗珠聯陳疇範而開先旁敷愷惠訂
考工而尚匠淨掃氛烟涵碧落而文光有象映金
城而秀色無邊浸我書田灌我藝圃接勝水兮南
天匪遙吸和風兮石甕方鼓利普萬家榮茲千樹
施乃一橘徒侈技釋之林生有雙桐詎入圖書之
府無使羸瓶是用汲古時而徐排酒陣暫鬪茶槍
快七火之初沃幸一勺之得將時而研磨玉玦案

拂銀光染鼠鬚而最妙飲雞舌而惟良若夫文侵
海陸賦泛江潘綠星宿以探本涉津埃而觀瀾水
可明心淨一泓之靈液蒙惟養正引萬斛之原泉
步趙氏之名亭流杯曲曲制遺山之好句澤發漫
漫負笈人來何妨祓禊學書池近底事窺園看止
水之澄泓宏開福地幸嘉名之永錫上應魁垣鹿
洞遊時學往哲之高高下下驚湖尋處搜諸賢之
本本元元飲堯天而忘帝力鑿禹穴而躍龍門行
見鱣魚呈瑞帶草生斑徐開聖域大闢賢關值我

公之驟遷情殷借寇隨諸生之初步志切登山

井陘關賦

李其達

西陽舊郡上艾故墟河山表裏川路紆徐咏遺山
暢叙之詩亭名環翠問賢守登臨之地閣建憑虛
乃有層城疊嶂峭崿崎嶇當井陘之隘口壯形勢
於坤輿此常山之所以爲重鎮三晉之所以備邊
儲門戶通於趙氏得失重於漢初赤幟未標於泚
水奇謀曾獻於左車爾其山之爲狀也屢屢崩圯
巒嶽嶽峗峰光漢逼嵐影晴鋪千巘萬壑態異形
殊石徑則蜿蜒成路松門則蒼翠爲圖或直如柱

笏或圓若覆盂或敞琳宮於平麓或盤曲磴於廉
隅當兩山之合脊通一徑以馳驅烏道極天
之霞標欲建槐花送雨迴崖之烟樹疑無誠一方
之雄鎮壯百雉之名都藩

神京而綿互拱

紫禁以環趨枕襟乎燕趙韓魏之地而控制夫東西
南北之區其東則峙秦岱接高粱臨大陸聳星岡
滹沱潏其麓滹水出其旁瞰碣石於海門督亢之
羣峰出沒俯蒼巖於夕照齊州之九點微茫畫角

頻吹於譙櫓九泥已築於冀方其西則有試劍高
峰承天峻壘翠挹石樓嶺環松子碧嶙峋兮仇猶
山波灤泗兮清漳水白鶴黃巖之隘灤山勢以糾
盤羅侯浮化之峰對關門而屹峙高直可以捫參
險不容以方軌蓋太華之山萬餘重太行之脊千
餘里莫不磅礴網緼而奔注於此其北則拱夏屋
之曠撫雲中之野互北塞之長城捍朔方之牧馬
緬治水之所經當石門而直瀉戍垣隱隱路通鐵
鎖金牛角吹迢迢聲斷樓頭塞下其南則依臯

而左環帶遼陽而右拂馬陵山外疊坂週遭天井
關前崇岡蟠屈峰蓋蓋以支分石稜稜而細屬漲
虎溪於曲澗林木陰森削石壁之千尋烟巒蒼鬱
山鳥呼名而交交猛獸嘯風而仡仡然而門有重
關洞無怪物祇聞擊柝於封人勿駭司原於服不
彼夫笳吹紫塞風冷金城玉門沙迥函谷鷄鳴四
塞稱爲天府百雁雄於南荆未若茲危崖中斷古
塞遙橫規模式廓壁壘深閔然且以成安之險莫
能遏下趙之兵千屯雲動萬騎龍驚從天而降按

轡而行此可以知恃險者謀鮮濟而得人者功易
成維我

皇上據瑤圖而鞏固綿寶錄以遐昌鞬譯窮乎九有梯
航遍乎八荒金母西歸環呈白玉雲山北向勢固
金湯仰雄關之岌業真京洛之苞桑於看紫氣東
來關上閃霞光萬道翹頌薰風南扇嶺頭披玉樹
千行

海涵地負放恣橫縱無所統紀然不煩繩削而
自合也的是隽才

莫寶齋督學評

| | | | | | | | | |
|--|--|--|--|--|--|--|--|--|
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |
| | | | | | | | | |



88748